



Jumat, 07 Mei 2021

Ogen: Nehemia 2:1-2



Juru Minem



Perkembangan jaman enggo reh majuna. Erbage bage kengasupen manusia ngelitken alat-alat si mabru situhu-tuhu nampati manusia reh mesunahna ndalani kegeluhen. Umpamana erbage elektronik subuk alat kerja, dapur, komunikasi ras sidebanna. Amin bage gia enggo melala e nggantiken manusia i bas dahin-dahinna. La saja tergantiken peran manusia tapi pe sienda erbahanca relasi nta pe hubungan emosional manusia saph-saph ia pe enggo reh urakna. Renungenta wari enda nuriken pengalamen ras kegeluhen Nehemia i bas ingan pembuangan. Ia terpercayaa jadi juru minum raja, paksa e si jadi raja eme Artaserses, ielaina raja asa ngasup gegehna. Tentuna pelayanen sibage rupana erbahan hubungenna ras raja mehuli. Emaka sangana serbut pe ukurna tereteh kal man raja sabab la bagi biasana kegeluhen ras 'ekspresi' Nehemia iadepen raja. Bagenda me antara raja ras singelai ia, kedekatenna nuriken maka lit perhatinna janah enda banci ilakoken dikune lit hubungan si mehuli saph - saph ia. I bas dahin-dahin epe lit 'rasa' si banci igejabken manusia. Tapi adi siperdiateken i bas jamanta sigenduari 'rasa' enda enggo mulai bene sabab melala dahin-dahin si enggo igantiken alu alat-alat kerja, lanat tan manusia emaka lanai lit hubungan, relasi kerja si enggo mulai luntur bage pe tanggungjawab ras kesetian si mulai urak.

Sumber daya alam (SDA) ras sumber daya manusia (SDM) enggo mulai urak janah enggo igantiken tenaga mesin, robot ras sidebanna emaka 'rasa' ndai enggo lanai lit seh banci saja la siarap manusia pe enggo menam bagi robot. Bene penggejapen si erbahan ia tetap manusia sejati. Dahin dahin sebage pelayan manusia enggo melala kal igantiken mesin ras sidebanna. Amin bage gia asa lit dahin si kita ndahikenca, sidahikenlah alu tutus.

Tutuslah ateta tetap ngelai asa ukur ras gegeh lit